



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

6. Prima Epistola Episcopi Apamiensis ad Regem.

urn:nbn:de:hbz:466:1-38277

Documentum VI.

Epistola ad Regem Reverendissimi & Illu-
strissimi Episcopi Apamensis.

Domine, &c.

Inter tot Regias virtutēs, quas in sacram Majestatis Vestrā Personam Divina manus effudit, persuasum semper habui, nullam æquè Christianissimo Principe dignam esse, ut facilitatem clementiamque, quā subditorum, ac præfertim Episcoporum preces plenāsque reverentia vocis benignè admittit. Id mihi animos fiduciāmque addidit, ut crederem haud fore ingratum Majestati Vestrā, si quam mihi conati sunt calumniam aspergere, quæque tanto aliis in animum meum descendit, quod fidelitatem, obedien-
tiāmque Principi meo debitas, fædere conentur, ad peda Majest. Vestrā supplex purgarem. Persuadere conati sunt Majestati Vestrā, me non morari tantum, sed nec ferre eos posse, qui militiam profitentur: ac Sacerdotibus Sa-
cramenti Pœnitentiæ ministris in mandatis dedisse, ne
quemquam, qui eam vitam amplexi essent, nec illi ab-
nuntiassent, peccatis expiarent. Facile equidem mihi es-
set, tam fœdæ calumniæ diluendæ, eorum numerum re-
censere, qui ex mea Diœcesi sub auspicijs Majestatis Vestrā,
aut Ducum, aut gregariorum militum conditione nomen
militiae dederunt; sed vereor, ut Majestatis Vestrā pa-
tientiā abutar. Possem etiam attestaciones ac chirographa
exhibere quām plurimum Confessariorum ex locis, ubi mil-
ites hyberna egit, asseverantium Sacra menta quamplurimis
administrata esse, imò omnibus, modò illis ritè accipien-
dis

dis animum aptaverant ; & ego nonnullos Sacramento Confirmationis initiavi. Non potui igitur non vehementer mirari, fuisse ex inimicis meis, qui ut animum Majestatis Vestræ me averterent, auderent illum tam falsis juxta, & inverecundis criminationibus imbuere. Num ergo ignorare Episcopus potui, artem vitamque militarem non solum innoxiam esse, nisi aliunde inquietur, sed etiam tuendæ augendæque Reipublicæ necessariam? Quod si aliquando cum militum nonnullis hac in causa locutus sum, id solum fuit, ut eos exemplo Joannis Baptiste cohortarer ad innocenter militiam exercendam, ac jussa Majestatis Vestræ observanda, quæ à nonnullis calcata videbam, dolebamque, populo varijs exactionibus injuriisque vexato ; adeò ut opus fuerit in eorum nonnullos animadvertere.

Patietur quoque Majestas Vesta, ut hæc ipsa occasione rationem ei omnium reddam, quæ inter me, & Ecclesiasticum quandam peracta sunt, cum prætextu Regaliæ Archidiaconatu Apamiensis Ecclesiæ potiri vellet ; ego illum Mandato, ac Censuris Ecclesiasticis procul arcendum duxi ; idque ut agerem, non alias planè ob causas permotus sum, quam ut conscientiæ meæ, ac juramento satisfacrem, quo cum Episcopalem Cathedram concendi, ad Ecclesiæ meæ jura ac libertates conservandas sanctè me obstrinxi. Ecclesia Apamiensis, cuius ego curam quamvis indignus sustineo, nunquam Regaliæ subiacuit, idque non tam privilegio, Principum liberalitate accepto, quam naturali, & à prima fundatione coevâ libertate. Qui ergo connivere ego possem, ut illa Dioecesis meam invehetur, nisi & Dignitate, quæ fungor, indignum me redderem, & Decretis Lugdunensis Concilij quatuor sa-

Cc

culorum

gallia
indicata
111
230

culturum observantia subnixis , & Regum Galliae Edictis ,
ac præsertim Henrici Magni , glorioſa que memoriae Lu-
dovici Majestatis Vestræ Patris adversarer ? Accedit quod
novi hujus juris investio , ne totam eam Reformationem
Ecclesiæ meæ penitus everti contingeret , quam pari felici-
tate & favore cum Pontificis Alexandri VII. tum Majestatis
Vestræ eam Regio Diplomate protegentis ad metas per-
duxer ; nec enim sperare licet , eum , qui Archidiaconatum
nuper obtinuit (primam videlicet Ecclesiæ meæ Dignita-
tem) quicquid illum deinceps sequentur , eo animo hoc fe-
stinasse , ut sacræ militiae tyrocinium facerent , communi-
que bonorum societate contenti , mundum , ejusque cupi-
ditates deponerent . Si ergo , qui jam DEO vocante Reli-
gionem amplexi sunt , professione suâ , votisque absister-
cogantur , ac certum animarum suarum adire naufragium ,
alijs videlicet , alienisque Beneficia sua , quibus susten-
bantur , relicturi , illud quicquid & necessariò consequere-
tur , ut Divinis officijs Ecclesia mea destituatur ; nec enim
ut Majestati Vestræ suggestum fuit , ea Congregationi San-
cta Genovevæ unita est , sed suis , ac particularibus statutis
& legibus gubernatur . Cæterum dignetur Majestas Vestræ
mihi credere , nihil uspiam terrarum esse , quod fideli-
tatem ac obedientiam meam , quas Eisdem profiteor , ulla
ex parte minuere , aut inquinare possit , imò nihil æquè
mihi cordi ac curæ est , eaque inter præcipua capita mea-
rum obligationum colloco . Nec credo , me aliâ re magis
eas Majestati Vestræ probare , testarique potuisse , quam si
eodem tempore me DEO , ejusque Divinis præceptis æquè
fidum promptumque ostenderem ; quam enim fidem ab
illis Principes expectent , qui eam DEO negârunt ? Enim
verò pro Majestate Vestrâ nullum finem sacrificandi pre-
candique

eandique faciam, quo cœlestein Ei, totique Regiae Stirpi
Benedictionem, ac Gratiam à Deo efflagitem, ac interim,
quā majori possum veneratione, & obsequio sum erōque
semper. Apamia 29. Jun. 1677.

Majestatis Vestræ

Humillimus, Obsequientissimus & fidelissimus
Servus & Subditus

Franciscus Episcopus Apamiensis.

Documentum VII.

Epistola encyclica Reverendissimi Episcopi
Alectensis.

Nullus dubito, sententiam Vicarij & Officialis Narbo-
nensisstantā curā studiōque ubique locorum vulgatam,
& quā bina à meedita Mandata evertere conatur, in manus
vestras devenisse. Enimvero persuasum ego habeo, eodem
temporis momento, quo illam recepistis, unā etiam recor-
daros vos esse, quanta mihi incumberet necessitas, jura liber-
tatisque Ecclesiæ meæ, ac Dignitatem Episcopalem, quæ
in hac causa aequè periclitantur, impigrè tuendi. Id ego
conatus sum efficere Constitutione, quam hisce meis an-
nexam legetis, & ex qua facilè colligere licebit, non unius
tantum, sed communem, omniumque hujus Provinciæ
Ecclesiarum causam, ac periculum verti. Vos ergo, uti
spero, nec partibus vestris defuturi estis, nec omittetis in
vestris quisque Dicecessibus ea omnia curare, quæ huic sen-
tentia remoranda, ejusque effectui suspendendo necessa-
ria fuerint. Tantum id agite, ut sociatis junctisque viribus

Cc 2

com-

Gallia
indicata
C. III
23.5